



Sakspapir

Sakshandsamar	Arkiv	ArkivsakID
Gjermund Hagesæter	FE-026	20/185

Saksnr	Utval	Type	Dato
116/20	Formannskapet	PS	24.11.2020
	Kommunestyret	PS	

Revisjon av selskapsavtale Nordhordland Utviklingsselskap IKS

Vedlegg:

Selskapsavtale Region Nordhordland IKS - rev desember 2020

Saksutgreiing:

Bakgrunn

Nordhordland Utviklingsselskap IKS (NUI) vart stifta 5. januar 2012, etter å ha skifta namn frå Regionrådet Nordhordland IKS. Selskapet var då eigd av dei ni kommunane Austrheim, Fedje, Gulen, Lindås, Masfjorden, Meland, Modalen, Osterøy og Radøy.

Lindås, Meland og Radøy slo seg saman til Alver kommune frå og med 01.01.2020, slik at det no er sju kommunar som er eigarar. Dette gir krav om endring av selskapsavtalen.

I tillegg har Vaksdal kommune eit ønske om bli med i Nordhordland Utviklingsselskap IKS/Regionrådet. Vaksdal kommune har over lengre tid vore med på ein del av samarbeidet i regionen, bl.a. har dei vore med i IKT Nordhordland frå starten av i 2011. Kommunen deltar også på ein del tenestesamarbeid og rådmannen er med i rådmannsutvalet. I og med at det må gjerast endring av selskapsavtalen vil det vera ein fordel å ta med den utvidinga av selskapet no.

Selskapet har fått frist ut året av Brreg med å få på plass ny selskapsavtale som er godkjent i kommunane. Endring av selskapsavtalen krev at alle kommunestyra gjer likelydande vedtak. Det betyr at saka må vera godt forankra og ha ei brei forståing før den går ut til kommunestyra for handsaming.

Føremål med NUI I selskapsavtalen står det i §3 at selskapet skal:

- Arbeide i samsvar med det politiske organet RNH (Regionrådet) sitt føremål
- Ivareta økonomiske og administrative oppgåver for RNH
- Ivareta saksførebuing og sakshandsaming av saker for RNH
- Gjennomføre utviklingsarbeid som er i tråd med føremålet til RNH
- Ta på seg økonomiske og administrative oppgåver samt utviklingsoppdrag for eigarkommunane etter særskild avtale

Det er god tradisjon i Nordhordland med å samarbeida om å få til felles prosjekt, saker, uttalar m.v. i regionen. I 2021 kan samarbeidet markera 60 år. Dei største og mest markante prosjekta, reint fysisk, er å landa oljeraffeneri til Mongstad/Nordhordland (kom i drift 1975), bygginga av Nordhordlandsbrua (opna 1994) og no bygginga av Region Nordhordland Helsehus. Andre døme er etableringa av IKT Nordhordland, Nordhordland legevakt og Nordhordland Unesco biosfæreområde. Dette er gode døme på strategisk gode tiltak for å få til ei positiv utvikling av regionen og prosjekt



Fedje kommune

som ikkje ville blitt realisert utan samarbeid. Etablering av dette og andre gode samarbeidstiltak i regionen har skjedd med grunnlag i Regionrådet og det som i dag er NUI sitt arbeid. Det er også erfaringar frå andre regionar at der det er gode og kjente nettverk med høg grad av tillit er det mogeleg å få til gode samarbeid.

NUI har valt å konsentrera si verksemd om fire hovudstrategiar:

- Marknadsføring av regionen
- Å betre kommunikasjonane
- Nærings- og arbeidsplassutvikling
- Meir effektiv forvaltning og tenesteproduksjon

I dagens selskapsavtale er basiskontingenten frå kommunane basert utelukkande på tal innbyggjarar. Den modellen betyr at Fedje kommune i dag betaler ca 1,1% av kostnadene.

NUI sin basiskontingent frå kommunane er i 2020 på 4,2 mill kr.

Det er foreslått følgjande fordelingsnøkkel:

- 30 % av kontingenten vert fordelt som fast beløp pr kommune
- 70 % av kontingenten etter andel avfolketalet i regionen.

Med ein slik modell ville Fedje kommune havna på 4,53 % av totalkostnadene.

For å hindre at dei minste kommunane kjem ut med for høgt beløp pr. innbyggjar med denne modellen så vert den korrigert med følgjande:

- Ingen kommune skal betala meir enn 3 ganger gjennomsnittsbeløpet pr. innbyggjar, men ikkje korrigert lågare enn at dei framleis må dekke 3 % av kontingenten. (dette vil i praksis gjelda for Modalen og Fedje)

Med denne modellen blir Fedje kommune sine kostnader med dagens folketal ca 3,3%.

Totalt sett vil Alver sin andel då vera om lag 46 % og dei andre kommunane har totalt 54 %.

Vurdering

Dette er ei endring som medfører at Fedje kommune sine kostnader aukar frå ca 1,1% av totalbeløpet til ca 3,3% av totalbeløpet. I kroner betyr dette at kostnadane aukar frå ca kr 46 200,- til ca kr 138 600,-.

Utgangspunktet var imidlertid 4,53% som ville utgjort kr 190 260,-. På grunn av god innsats frå Ordførar Stian Herøy og støtte frå mellom anna Ordføraren i Austrheim vart det innført tak på kor mykje kostnadene for kvar innbyggjar kan vere. Samanlikna med utgangspunktet medfører dette ei innsparing på vel kr 50 000,- kvart år framover frå Fedje kommune.

Sjølv om ein slik auka kostnad er uheldig meiner likevel rådmannen at ein bør akseptera ny kostnadsnøkkel. Dette er eit interkommunalt samarbeid som Fedje kommune har nytte av og ein må på bakgrunn av det akseptere den auka kostnaden.

Folkehelse: Ikkje relevant

Miljø: Ikkje relevant

Økonomi: Vil svekka det økonomiske handlingsrommet til Fedje kommune.

Konklusjon



Fedje kommune

Rådmannen rår til at Fedje kommune godkjenner revidert selskapsavtale.

Forslag til vedtak:

Fedje kommune godkjenner revidert selskapsavtale med fylgjande endringar:

1. Alver kommune overtar eigaransvaret til kommunane Lindås, Meland og Radøy.
2. Vaksdal kommune trer inn som ny medeigar i selskapet.
3. Det vert gjort endring av røystetal, eigar/ansvarsdel og kostnadsdeling.
4. Selskapet skiftar namn frå Nordhordland Utviklingsselskap IKS til Region Nordhordland IKS.

Formannskapet - 116/20

F - behandling:

F - vedtak:

Fedje kommune godkjenner revidert selskapsavtale med fylgjande endringar:

1. Alver kommune overtar eigaransvaret til kommunane Lindås, Meland og Radøy.
2. Vaksdal kommune trer inn som ny medeigar i selskapet.
3. Det vert gjort endring av røystetal, eigar/ansvarsdel og kostnadsdeling.
4. Selskapet skiftar namn frå Nordhordland Utviklingsselskap IKS til Region Nordhordland IKS.

Samrøystes vedteke.